

Na osnovu Zakona o javnim nabavkama Bosne i Hercegovine („Službeni glasnik“ broj: 39/14), člana 7. stav (b) Pravilnika o postupku direktnog sporazuma Elektrotehničkog fakulteta u Sarajevu (broj: 02-1-614/15 od 04.02.2015. godine) i Odluke o direktnom sporazumu (broj. 02-3068/19 od 02.07.2019. godine), zaključuje se

## UGOVOR O JAVNOJ NABAVCI

Između ugovornih strana:

ELEKTROTEHNIČKI FAKULTET U SARAJEVU - ID broj: 4200304450006, sa sjedištem u Sarajevu u ulici Zmaja od Bosne bb, koga zastupa dekan prof.dr. Jasmin Velagić (u daljem tekstu: Ugovorni organ)

i

"SELMING" d.o.o. Sarajevo - ID broj: 4200471510002, adresa Safeta Zajke bb, koga zastupa direktor Balaš Nusret (u daljem tekstu: Izvođač).

### Član 1. (Predmet Ugovora)

Predmet ovog Ugovora (u daljem tekstu: Ugovor) je nabavka građevinskih radova izrade pregradnog zida u Velikom amfiteatru Elektrotehničkog fakulteta u Sarajevu, a po osnovu direktnog sporazuma zaključenog između ugovornih strana.

Sastavni dio ovog Ugovora je ponuda broj 03-3054/19 od 02.07.2019. godine.

### Član 2. (Obaveze Izvođača)

Izvođač se obavezuje da će:

- otpočeti sa izvođenjem radova dana 15.07.2019. godine, te iste završiti u roku od 7 (sedam) dana,
- preduzeti mjere sigurnosti pri izvođenju radova u skladu sa važećim propisima. U slučaju propusta u tom pogledu, odgovornost snosi Izvođač.
- radove izvesti sa kvalitetnim materijalima i u skladu sa pravilima struke,
- očistiti gradilište i ukloniti višak materijala po završetku radova.

### Član 3. (Obaveze Ugovornog organa)

Ugovorni organ se obavezuje da će:

- pismeno obavijestiti Izvođača o mogućim propustima i nedostacima izvedenih radova i
- utvrditi razuman rok za otklanjanje nedostataka.

Član 4.

U slučaju da Izvođač ne pristupi izvođenju radova ugovorenog dana ili ne završi radove u ugovorenom roku, Ugovorni organ je ovlašten ovaj Ugovor jednostrano raskinuti bez otkaznog roka i ostavljanja dodatnog roka za ispunjenje obveze.

Rok je bitan element ovog Ugovora.

Član 5.

(Naknada i način plaćanja)

Ugovorni organ se obavezuje da će Izvođaču isplatiti ukupnu cijenu ponude u iznosu od 2.520,00 KM (dvijehiljadepetstotinadvadeset i 00/100 KM) bez PDV-a, po završetku radova.

Ukupna cijena obuhvata utrošeni materijal, transport materijala, izradu, završnu obradu pregradnog zida i eventualne nepredviđene radove do tehničkog prijema.

Ugovoreni iznos naknade će se platiti na žiro račun Pružaoca usluga, kod odgovarajuće banke u Bosni i Hercegovini, u roku od 30 (trideset) dana od dana dostave fakture,

Pripadajući porez će se obračunati i platiti u skladu sa zakonom.

Član 6.

(Garancija na izvedene radove)

Garantni rok za izvedene radove je 2 (dvije) godine, a obuhvata sve nedostatke, osim fizičkih oštećenja.

Član 7.

(Rješavanje sporova)

Za sve eventualne sporove po bilo kojem članu ovog Ugovora, ugovorne strane su saglasne da probleme i nejasnoće rješavaju sporazumno u razumnom roku, u protivnom nadležan je sud u Sarajevu.

Član 8.

(Završne odredbe)

Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Ugovor stupa na snagu danom potpisivanja.

Za sva ostala pitanja koja nisu regulisana odredbama ovog Ugovora, primjenjivat će se odredbe Zakona o obligacionim odnosima.

U znak prihvata svih prava i obaveza iz ovog Ugovora, ugovorne strane svojeručno ga potpisuju.

ZA IZVOĐAČA

Direktor, *Bilal Nušić*



ZA UGOVORNI ORGAN

Dekan, *prof. dr. Jasmin Velagić*



Broj: 02-3125/19  
Datum: 09.07.2019